



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Iacobi Bidermani E Soc. Iesv Ignatius Sive De Vita Et
Gloria S. Ignatii Loiolæ Soc. Iesv Conditoris Libri Tres**

Bidermann, Jakob

Antuerpiae, 1635

Ignatius inter Beatos Sanctosqüe publicè relatus. Cap. XI.

urn:nbn:de:bvb:12-bsb10788217-5

uam, quem eumdem & Tridentino Concilio Theologum miserat. Nam hic IGNATIVM variè, nunc sanctitatis exemplum, nunc virum illustrem, admirabilem, orbiq; huic nostro singulari beneficio concessum exclamat.

83. Hanc publicam famam non leuiter auxerunt hæretici , aut si quos alios suis in virtutem armavit furor. Qui, quòd IGNATIVM soli omnium pessimè oderunt, nihil aliud proficiunt , quàm vt alij MAGNUM in primis VIRVM, & ipsorum dissimillimum fuisse cogitemus. Officere ipsius nomini gratuissimè poterant, si laudassent: nunc argumentum boni est, MALIS DISPLICVISSE.

IGNATIVS in Sanctos relatus.

CAP. XI.

84. CETERVM hæc de IGNATII virtutibus miraculif-
que fama cùm plerumque terrarum orbem latè impletet, multorum desideria incendit, vt cuperet,
publi-

publicos ei honores, quos Cælitibus alijs solemus, decerni. Intercessere aliquamdiu nostri, vsque adeò, ut tabulas votiuas, & anathemata, ad eius sepulchrum à multis certatim aggesta, sæpenumerò sustulerint: donec Baronij, magni Cardinalis, suffragio adiuta populi religio, hanc Societatis modestiam expugnauit. Is die quodam, haud sine diuino (quod creditur) nutu, correptam IGNATII imaginem, ipse suis manibus de templi nostri pariete suspendit, populoque venerandam proposuit. Inde alij super alios ad sacros eius cines res ruere, & corporum animorumque opem non vani poscere; multique aucti acceptis beneficijs indidem abscedere. Excita tunc ardentius eorum, quos memorauit, desideria non continuerunt se, quin deniq; ad Clemétem VIII. Pontificem maximum penetrarent, omnium ordinum consensu.

85. Praeijt ab Hispanijs Imperatrix Maria, Caroli V. filia. Se-

P S cutus

cutus germanam Philippus II. & hunc III. vterque Hispani Reges. Tum deinde Margarita Hispaniarum Regina; quæ & Ferrariæ corām, & postmodò per litteras primam hanc principemque inire gratiam à Sede Apostolicâ magnis studijs flagitarat. Idem huius Reginæ mater, Austriæ princeps, ingentis animi ac pietatis heroina: idem Sigismundus III. Poloniæ Rex, contentis precibus petiere. Post ubi Clementi successor datus est Paulus V. eadem postulata cum aliorū Principum, tum Henrici quoque Galliarum Regis, fure. In idem certamen pro IGNATIO venere clarissima Regna Castellæ & Aragoniæ: in idem Cataluni & Cantabri consenserunt. Nihilo minoribus studijs Toletanus, Hispalensis, Granatensis Antistites exarserunt: & secundūm hos, qui Cæsaraugustæ, quique Barcinone clavum Reipub. tenuerunt, numquam hoc postulaturi, ni IGNATII sanctitatem pro-

com-

comperito habuissent. Quibus talibus viris id concessum denique est, ut IGNATIVS anno millesimo sexcentesimo nono, BEATVS, auctoritate supremâ renuntiaretur. Paullum Pontificem Gregorius excepit XV. Enim uero tum pugnatum votis omnium terrarum est, ut etiam inter SANCTOS palam adscriptus, coli porrò iubetur. Eminuit in hoc studio Ferdinandus Imperator, tum Galliæ Rex Ludouicus, & Boicæ Princeps Maximilianus. Quorum illi quidem, hanc IGNATII gloriam & sibi solatio, & Regnis suis saluti, haeresibus autem latè grassantibus exitio futuram esse: iste verò, omnis operæ, quam belli nauasset, laborumque & periculorum, quibus suum pro patriâ caput obiecisset; denique sumptuum ibi factorum, locupletem remunerationem fore, prædicabant. Impulsus graui bus momentis Pontifex, postquam, dato negotio, Patres purpuri, ceteraque Curia, rem omnem

nem

236 S. IGN. VITA. LIB. III.

nem penitulatè examinatam approbarunt, IGNATIVM LOIO-
LAM in SANCTOS publicè retulit, die IV. Idus Martias, anno post
partum Virginis M. DC. XXII. Extat eâ de re luculentum diplo-
ma Urbani VIII. duodetriginta Cardinalibus subscriptum. Secun-
tus continuò plausus, non Urbem
magis, quām terrarum omnium
orbem, ad gratulandam hanc D E O
Cælitibusque gloriam, excitauit.

L A V S D E O.



I N-